



**Broj: T09 0 KTPO 0181576 22**  
**Sarajevo, 15.04.2024. godine**

**KANTONALNI SUD U SARAJEVU**  
**Sudiji za prethodno saslušanje**  
**S A R A J E V O**

Na osnovu čl. 45. st. 2. tač. i) i čl. 241. st. 1. Zakona o krivičnom postupku FBiH, **p o d i ž e m**

**O P T U Ź N I C U**

**Protiv:**

**DURMO ANEL**, rođen 1985. godine, nastanjen ....., Bošnjak, državljanin BIH, mašinski tehničar, nezaposlen, neoženjen, bez djece, lošeg imovnog stanja, nije služio vojni rok, JMBG ....., **neosuđivan**,

**Što je:**

U periodu od 21.07.2022.godine do 17.10.2022.godine u Sarajevu, kao odgovorna osoba u smislu člana 2. stav 6. KZ FBiH, direktor sa ograničenjem ovlaštenja raspolaganja sredstvima sa računa privrednog društva „Gastroo“ d.o.o. Sarajevo, na koju dužnost je imenovan Odlukom skupštine društva broj ..... od 08.02.2022.godine i kao lice ovlašteno za zastupanje podružnice istog društva „Taylor's Pub“ sa sjedištem na adresi Džemala Bijedića ....., Sarajevo, na koju dužnost je imenovan Odlukom skupštine društva o osnivanju podružnice broj ..... od 06.05.2022.godine, i okviru kojih poslova je u skladu sa Statutom privrednog društva „Gastroo“ d.o.o. Sarajevo od 29.11.2021. godine kao direktor bio ovlašten da vodi i zastupa društvo u unutrašnjem i vanjskotrgovinskom prometu, te bio ovlašten za raspolaganje sredstvima na računu društva otvorenom u „.....“ dd Sarajevo do iznosa od 5.000,00 KM i istovremeno faktički zadužen da vrši polog dnevnih pazara ostvarenih u toku trajanja radnog vremena u podružnici „Taylor's Pub“, znajući da se radi o sredstvima privrednog društva „Gastroo“ d.o.o. Sarajevo, s ciljem pribavljanja imovinske koristi za sebe što je i htio, propuštao obaviti svoju dužnost i vršiti polaganje cjelokupnih iznosa dnevnih pazara na transakcijski račun društva broj ..... kod „.....“ dd Sarajevo tako što je dnevne iznose pazara lično preuzimao iz kase podružnice i djelimično polagao na transakcijski račun privrednog društva „Gastroo“ doo Sarajevo i to dana 26.07.2022.godine iznos od 2.105,90 KM, dana 27.07.2022.godine iznos od 814,00 KM, dana 28.07.2022.godine iznos od 1063,00 KM, dana 29.07.2022.godine iznos od 706,50 KM, dana 01.08.2022.godine iznos od 361,50 KM i 917,70 KM, dana 04.08.2022.godine iznos od 783,00 KM, 874,30 KM, 504,50 KM i 1006,50 KM, dana 08.08.2022.godine iznos od 3.448,10 KM, dana 10.08.2022.godine iznos od 1.356,70 KM, dana 19.08.2022.godine iznos od 4.138,70 KM, dana 25.08.2022.godine iznos od 961,10 KM, dana 26.08.2022.godine iznos od 809,00 KM, dana 31.08.2022.godine iznos od 4.263,20 KM i 4.290,90 KM, dana 05.09.2022.godine iznos od 1.549,50 KM, dana 09.09.2022.godine iznos od 1.056,00 KM, dana 16.09.2022.godine iznos od 1.138,00 KM, dana 21.09.2022.godine iznos od 965,10 KM, dana 30.09.2022.godine iznos od 1.303,50 KM, dana 06.10.2022.godine iznos od 1.010,00 KM, dana 12.10.2022.godine iznos od 1.100,00 KM i tako položio na isti račun pazar u iznosu od 36.526,70 KM, dok je ukupan ostvareni promet podružnice Taylor's Pub u istom periodu

iznosio 92.542,40 KM koja ukupna sredstva je preuzeo iz kase podružnice u svrhu polaganja na transakcioni račun, te propustio da položi na račun pazar u ukupnom iznosu od **56.015,70 KM**, koja sredstva je uzeo i prisvojio, na koji način je, što je i htio, pribavio imovinsku korist u iznosu od **56.015,70 KM** i u istom iznosu pričinio štetu privrednom društvu „Gastroo“ d.o.o. Sarajevo

**Dakle**, kao odgovorna osoba u Federaciji ne obavivši svoje službene dužnosti sebi pribavio korist i drugom pričinio štetu, pri čemu imovinska korist prelazi iznos od 50.000,00 KM

**Čime je** počinio krivično djelo Zloupotreba položaja ili ovlaštenja iz člana 383. stav 3. u vezi stava 1. KZ FBiH

**KANTONALNI TUŽILAC**